

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/KANTON SREDIŠNJA BOSNA
KANTONALNO TUŽILAŠTVO/KANTONALNO TUŽITELJSTVO
T R A V N I K

Broj: T06 0 KTRZ 0027919 20
Travnik, 26.08.2022. godine

KANTONALNOM SUDU U NOVOM TRAVNIKU
- Sudiji za prethodno saslušanje -
NOVI TRAVNIK

Na osnovu člana 45. stav 2. tačka i) i člana 241. stav 1. Zakona o krivičnom postupku Federacije Bosne i Hercegovine, podižem:

O P T U Ź N I C U

PROTIV:

- 1. Miroslava Biletić**, rođen 1966. godine.
- 2. Marinko Šteko**, rođen 1967. godine.

ŠTO SU:

Tokom rata u Bosni i Hercegovini i u vrijeme oružanog sukoba između ARBIH i HVO Biletić Miroslav kao pripadnik vojne policije 4. Bojne Vitez, brigade Josip Ban Jelačić, VP 1730 Kiseljak, i Marinko Šteko, kao pripadnik HVO brigade "Josip Ban Jelačić zapovjednik I. brigadnog voda vojne policije VP 1730 Kiseljak, zaduženi za obezbijedenje zatvorenika u vojarni Kiseljak postupali suprotno odredbama međunarodnog humanitarnog prava i to zajedničkog člana 3. Ženevske konvencije za zaštitu ratnih zarobljenika od 12.08.1949. i člana 3. stav 1, tačka a) i c) Ženevske konvencije o zaštiti civilnih lica za vrijeme rata od 12.08.1949. godine, i člana 4. stav 2 tačka a) i e) Dodatnog protokola II uz Ženevske konvencije o zaštiti žrtava nemeđunarodnih oružanih sukoba od 8. juna 1977. godine, a kojim se zabranjuje nasilje nad životom, zdravljem ili fizičkim ili mentalnim blagostanjem ljudi, naročito ubistva, mučenja, nečovječno postupanje, prinudni radovi, druga nezakonita zatvaranja ratnih zarobljenika i civilnog stanovništva tako što su:

U vremenskom periodu od mjeseca marta do juna 1993. godine u prostorijama vojarne Kiseljak, u Kiseljaku gdje su bili zatvoreni zarobljeni pripadnici ARBIH i civili bošnjačke nacionalnosti, i to: S. K., R. D., K1, K2, S. D., H. N., i mnogi drugi, osumnjičeni Miroslav Biletić u svojstvu zapovjednika voda vojne policije i Marinko Šteko u svojstvu zapovjednika I. brigadnog voda vojne policije u više navrata, izvodili i ispitivali ratne zarobljenike, pri tome ih mučili i fizički i psihički zlostavljali udarajući ih nogama, rukama, palicama, kundakom puške, cijevima i drugim podesnim sredstvima, i dopuštali da drugi nepoznati vojnici HVO ulaze u prostorije gdje su bili zatvorenici te fizički i psihički zlostavljaju zatvorenike uslijed čega su trpili teške tjelesne i duševne patnje,

što je vrijeđalo i njihovo lično dostojanstvo znajući da na taj način krše odredbe međunarodnog humanitarnog prava i htijući to pa su;

1. Miroslav Biletić sam

u navedenom vremenskom periodu malodobnog civila **K1** prilikom ispitivanja tukao šakama i nogama na kojima su bile vojničke čizme u stomak, te policijskim palicama u leđa, od kojih udaraca je pao na zemlju, **D. S.** ratnog zarobljenika prilikom ispitivanja dok su ga nepoznati vojnici tukli uzeo šarafačiger i prislonio mu na stomak, prijeteći da će ga probosti ako mu ne kaže gdje su njegovi rođaci D., te dolaskom u vojarnu uveo ga u jednu ćeliju te ga zajedno s još jednim nepoznatim vojnikom tukao nogama i šakama, a nakon tri dana Miroslav Biletić je naredio dvojici policajaca da ga prislone uz zid dok ga je on za to vrijeme udario šakama psujući mu balijsku majku i govoreći “evo ti sad Alija”, druge prilike mu je naredio da čučne iza vrata od ćelije i stavio mu na ramena preko glave gumu od vozila i rekao mu “tu ćeš ostati do zore ako ne priznaš”, **H. N.** ratnog zarobljenika prilikom ispitivanja udario pesnicom u predjelu lica i na taj način mu izbio dva prednja zuba, nakon dva ili tri dana ponovo ga je Miroslav Biletić zajedno s drugim nepoznatim vojnicima tukao rukama i nogama po cijelom tijelu, zatim ga je izvodio da šamara ljude uniformirane vojnike HVO-a, a nakon toga ga je nepoznati vojnici HVO a pretukao zbog toga, **K2** ratnog zarobljenika odmah po dolasku u vojarnu uveo u jednu ćeliju te ga zajedno s još jednim nepoznatim vojnikom tukao nogama i šakama po različitim djelovima tijela, podnosio mu nož pod vrat da ga kolje, tukao ga čizmama, te nekim kablovima po nogama, svjestan da svojim radnjama navedenim licima nanosi veliki strah, snažne tjelesne i duševne bolove i povrede tjelesnog integriteta i htijući to.

2. Marinko Šteko sam

u navedenom vremenskom periodu civila **S. K.** prilikom ispitivanja tukao nogama, obuvenim u čizme, kundakon, te gumenim crijevom po svim djelovima tijela, izbjegavajući lice, svjestan da uslijed takvog postupanja nanosi oštećenom strah, snažan tjelesni bol i patnju i htijući to, **R. D.** ratnog zarobljenika prilikom ispitivanja zajedno s 4-5 drugih vojnika zlostavljao tako što ga je nepoznati vojnici udario šakom u stomak, a Marinko Šteko mu je stavio nož na vrat sa lijeve strane, svjestan da na taj način nanosi oštećenom veliki strah i snažnu duševnu bol i patnju i htijući to.

3. Miroslav Biletić i Marinko Šteko zajedno

u navedenom vremenskom periodu **K2** ratnog zarobljenika prilikom ispitivanja tukli nogama na kojima su bile vojničke čizme, šakama po tijelu, stolicama, pendrecima, tjerali ga da prolazi kroz špalir, i da se tuče s drugim zarobljenicima, **H. N.** ratnog zarobljenika po dolasku u vojarnu prilikom ispitivanja o njegovom ocu i drugim ljudima tukli nogama i rukama po svim djelovima tijela, te u više navrata su ga udarali šakama, čizmama, palicama po nogama, po glavi i čizmama po rebrima svjesni da na taj način nanose navedenim licima snažne tjelesne i duševne bolove i povrede tjelesnog integriteta i htijući to.

Dakle, Miroslav Biletić i Marinko Šteko kršeći pravila međunarodnog humanitarnog prava za vrijeme rata u Bosni i Hercegovini i oružanog sukoba između AR BiH i HVO ratne zarobljenike i

civile mučili, nečovječno postupali, izazivali veliki strah, nanosili snažne patnje i povrede tjelesnog integriteta ili zdravlja.

Čime su počinili:

Miroslav Biletić krivično djelo Ratni zločin protiv civilnog stanovništva iz člana 142. preuzetog KZ SFRJ i ratni zločin protiv ratnih zarobljenika iz člana 144. stav 1. preuzetog KZ SFRJ u vezi s članom 48 istog zakona opisano pod tačkom 1,

Marinko Šteko krivično djelo Ratni zločin protiv civilnog stanovništva iz člana 142. preuzetog KZ SFRJ i ratni zločin protiv ratnih zarobljenika iz člana 144. stav 1. preuzetog KZ SFRJ u vezi s članom 48 istog zakona opisano pod tačkom 2,

Miroslav Biletić i Marinko Šteko zajedno krivično djelo ratni zločin protiv ratnih zarobljenika iz člana 144. stav 1. preuzetog KZ SFRJ u vezi s članom 22 istog zakona opisano pod tačkom 3.

KANTONALNI TUŽILAC